

小兒五疳四卷

錢謙益

商本志集

薛己註

陳氏小兒疳疔方論

一卷

薛己註

保嬰金鏡錄

一卷

薛己註



校註錢氏小兒直訣序

古語有云寧醫十男子莫醫一婦人寧醫十婦人莫醫一小兒幼科之難昔有自矣小兒六歲已下經所不載以乳下嬰兒有病難治者皆為無所承據也中古始有巫方氏作顛顛經以占天壽判疾病死生而小兒方行焉逮於晉宋江左蘇氏齊之徐王僉能相傳有驗而後踵武厥科者則不止於一家矣至宋神宗時有太醫丞錢仲陽氏貫陰陽於一理合色脈於萬全偉論雄才迥邁前列可謂傑起而振出者也門人閻孝忠記其典要緝成直訣若干卷而幼穉之色脈症治無遺漏矣先君嘗語余曰幼幼之難言善調之古謂小兒為芽兒如草之萌如水之漚故其命方曰保嬰曰全幼者蓋不欲以峻攻耳錢氏之書可以日用錢氏之方可以時省也愚服膺先人之言僅有年矣遇施之治有一得驗者輒自識之用稍註於錢氏之下同幼其幼不敢以紫亂朱以薰並蘭也非特以錢氏峻攻為不可用也視古既遠元氣亦殊不欲直施之於今耳敬以一得之愚附續紹尾更覲明哲者正諸時

嘉靖辛亥孟春前奉政大夫太醫院院使薛已謹書

錢氏小兒直訣目錄

卷之一

診察脈色

脈法

面部症

目內症

五臟虛實寒熱

心臟症

肝臟症

脾臟症

肺臟症

腎臟症

變蒸

五臟相勝

肝病秋見

心病冬見

肺病春見

腎病夏見

脾病見四季

驚風

急驚風症

慢驚風症

胎驚風症

發搐

早晨搐

日午搐

夜間搐

傷風搐

傷食搐

百日内搐

癩癩症

心癩

肝癩

脾癩

肺癩

腎癩

諸瘡

痘疹

丹瘤

傷風兼變症

貪睡

手足冷

自利

腹脹

吐瀉身溫涼熱

熱渴



諸經發熱

潮熱

壯熱

風熱

溫壯

卷之二

吐瀉症

夏秋月吐瀉

傷熱吐瀉

傷冷吐瀉

初生吐瀉

咳嗽症

八九月間嗽

十一十二月嗽

五七月間嗽

卷之三

諸瘡症

肝瘡

心瘡

脾瘡

肺瘡

腎瘡

無辜瘡

附

腹痛腫脹諸症

積痛

蟲痛

脹喘

腹中有瘕

五臟雜症

喜汗

盜汗

胃怯汗

六陽虛汗

夜啼

驚啼

撮口

弄舌

解顱

胎肥

胎熱

胎怯

急乳不下

龜胸龜背

腎怯失音

黃病

黃痘

胎痘

行遲齒遲髮遲



南京中醫藥大學圖書館藏

錢氏小兒直訣卷一

宋錢仲陽著 闕孝忠集

明薛 已註 魏一元校

脉法

武進千鳳岐重校

脉弦急氣不脉沉緩傷食脉促結驚脉浮為脈沉細為寒脈亂治

薛按脈者人身之造化病機之先見用藥之準繩不可不先明諸心者也全幼心鑑云小兒二歲以前看虎口食指寅卯辰三關以驗其病脈紋從寅關起不至卯關者易治若連卯關者難治若寅後卯前侵過辰者十不救一其脈紋見有五色如因驚必青瀉痢色紫當以類而推之一歲後則可用一指辨其三部脈弦急浮沉四五歲後脈七八至而細數者為平九至者傷十至者困六至五至者為虛寒強緊者為風痲弦急為客忤其變蒸者脈必散亂骨間有熱脈則沉數若浮而不調為鬼祟浮大而數為風熱伏結為物聚微細為疳積為腹痛浮而洪為有蟲浮而遲為胃寒此論脈之大要耳然小兒血氣未實驚則氣散氣散則脈亂矣又當參以三部五脈三部者乃看面上氣色虎口脈紋寸口一指脈五脈者上按額前下診太衝并前三部謂之五脈也治法雖分虛實然實者病氣實而形氣虛也虛者形氣病氣俱虛也經云真氣奪則虛邪氣勝則實又云虛則補其母實則瀉其子東垣先生云形病俱實當瀉之形病俱虛當補之詳見後

面部症

左腮為肝右腮為肺額上為心鼻為脾頰為腎若色赤者熱也宜隨證治之

薛按左腮屬肝其色青者為順白者為逆若色赤主肝經風熱發熱拘急青黑主驚風腹痛淡赤主潮熱痰嗽右腮屬肺其色白者為順赤者為逆若赤色甚者主咳嗽喘急悶亂飲水傳於腎則小便赤澀或淋閉不通額上屬心其色赤者為順黑者為逆若青黑主驚風腹痛癰瘕啼哭微黃主盜汗海髮乾燥驚疳骨熱鼻屬脾其色黃者為順青者為逆若色赤主脾經虛熱飲食少思深黃主小便秘而鼻燥

鯽血類屬腎其色黑者為順黃者為逆若色赤主腎與膀胱有熱而小便不通

目部症

目內色赤者心實熱導赤散淡紅者心虛熱生犀散青者肝實熱瀉青丸淡青者肝虛熱地黃丸黃者脾實熱瀉黃散微黃者脾虛熱益黃散白而混者肺實熱瀉白散目無睛光者腎虛也地黃丸主之薛按目者五臟之精華各有所主白睛屬肺黑睛屬肝上下眼胞屬脾紅脈屬心瞳人屬腎此五臟之正色也然白睛本屬肺而見紅色此心剋肺之賊邪也見青色此肝乘侮之微邪也見黑色此腎乘肺之虛邪也見黃色此脾乘肺之虛邪也餘仿此

五臟虛實寒熱

心主驚實則叫哭發熱飲水而搖虛則困卧而悸○心熱則介而睡或上竄咬牙者導赤散主之○心氣實而喜仰臥者瀉心湯主之

薛按前症若心小腸實熱宜治以前藥若心脾血虛用五味異功散加當歸若因心血不足用秘旨安神丸若肝心血燥用柴胡梔子散若因肝心血虛用六味地黃丸若此脾虛食鬱生痰而驚悸不安者宜用四君子以健脾神麴麥芽以消導山梔柴胡以清熱如用前方病氣雖去前症仍作急調補元氣或反其急溫補元氣凡此多因妊娠厚味七情或小兒乳哺失宜或乳母飲食鬱怒所致病氣既見形氣已虛必當推其所因而以助胃壯氣為主佐以治病之劑為善餘仿此

肝主風實則面青目直叫哭壯熱項急煩悶虛則咬牙呵欠○肝熱則手尋衣領及亂捻物瀉青丸主之壯熱飲水喘悶瀉白散主之

薛按前症若肝木實熱生風而自病肺金實熱而剋木者宜用前二藥以瀉其邪氣之實若肝經風熱而木直等症者用柴胡梔子散以清肝火加味四物湯以養肝血若腎虛而咬牙諸症者用六君子湯以健脾土六味地黃丸以滋腎水苟不審其症之虛實而妄用前藥則虛虛之禍不能免矣

肝有風則目連劄得心熱則發搐或筋脈牽掣而直視用瀉青丸以治肝導赤散以清心○肝熱則目赤或兼青發搐者亦用前二藥風甚則身反張強直用地黃丸以補腎瀉青丸以治

薛按前症若肝經實熱而自病宜瀉青丸若肝經血燥而自病用抑肝散腎水虛不能生肝者宜用地黃丸若脾土虛不能培木者宜用六君子湯凡肝經既病風火相搏則肝木虧損若不固根本必變他症百出也

脾主困實則身熱引飲用瀉黃散虛則吐瀉生風用異功散可以解腹痛口中氣冷不思飲食或吐清水以益黃散溫補脾虛下利用調中丸○呵欠多睡者脾氣虛而欲發驚也

薛按前症若發熱作渴喜冷飲食或泄瀉色黃睡不露睛屬形病俱實宜用瀉黃散疎導之若發熱又乾惡冷飲食或泄瀉色白睡而露睛屬形病俱虛宜用異功散調補之若脾氣下陷者補中益氣湯并補之寒水侮土者益黃散溫補之肝木尅土者六君柴胡平補之若目睛微動潮熱抽搐吐瀉不食宜用秘旨保脾湯凡小兒諸病先當調補脾胃使根本堅固則諸病自退

愚治沈氏子吐瀉腹痛手足並冷余謂此脾土虛弱寒水所侮先用益黃散一劑諸症頓愈此寒水退而脾土虛弱也用異功散少加木香一劑却去木香再劑而痊

一小兒傷食發熱吐瀉腹痛欲服益黃散余曰內有丁香良姜非其所宜前症乃脾胃受傷而無寒症不信仍服前藥其痛益甚二便不通口舌糜爛而歿

肺主喘實則悶亂氣急喘促飲水虛則哽氣出氣○肺熱則手搖眉目鼻面用甘桔湯主之○肺盛復感冒風寒則胸滿氣急喘嗽上氣先用瀉白散以清肺氣後用大青膏以散風寒○肺臟怯則唇白用阿膠散補之悶亂氣粗喘促哽氣者難治肺虛甚也

薛按前症若腠理不密外邪所感而肺病者用清肺丸若脾胃氣虛不能相生而肺病者用六君子湯若脾胃氣實大腸不利而肺病者用瀉黃散若心火炎灼肺金而肺病者用地黃丸

腎主虛者胎稟虛怯神氣不足目無睛光面白顙解此皆腎虛雖育不壽或更加色欲變症百出愈難救
瘵或目畏明下竅者益骨重而身縮也咬牙者腎水虛而不能制心火也皆用地黃丸

薛按潔古先生云下竅者腎氣不足兩足發熱故不喜衣覆也蓋臍以下皆腎之所主緣心氣下行於
腎部也所以宜用地黃丸壯水制火而補腎故凡此必待精血完固而後嫁娶庶可以免前患精血虧
云男子精未滿而御女以通其精則五體有不滿之處異日有難狀之疾今小兒稟賦不足豈有不
於此哉

詳見精血篇

變蒸

小兒在母腹中乃生骨氣五臟六腑成而未全自生之後即長骨脈五臟六腑之神智也變者易也自內
而長自下而上又身熱故以生之日後三十二日一變蒸即智意有異於前何也長生臟腑智意故也何
謂三十二日長骨添精神人有三百六十五骨除手足中四十五碎骨外有三百二十數目生下骨一日
十段而上之十日百段而三十二日計三百二十段為一遍亦曰一蒸骨之餘氣一自腦分入眼二
十二齒而齒牙不及三十二數者由變不足其常也或二十八日即長二十八齒已下仿此但不過三十
二之數也凡一周遍乃生虛熱諸病如是十周則小蒸畢也計三百二十日生骨氣乃全而未壯也故云
三十二日一變生腎生志六十四日再變生膀胱其發耳與靨冷腎與膀胱俱主於水水數一故先變生
之九十六日三變生心喜一百二十八日四變生小腸其發汗出而微驚心為火火數二一百六十日五
變生肝哭一百九十二日六變生膽其發目閉而赤肝主木木數三二百二十四日七變生肺聲二百五
十六日八變生大腸其發膚熱而汗或不汗肺者金金數四二百八十八日九變生脾智三百二十日十
變生胃其發不食腹痛而吐乳此後乃齒生能言知喜怒故云始全也太倉云氣入四肢長碎骨於十變
後六十四日長其經脈手受血故能持物足受血故能行立也經云變且蒸謂蒸畢而足一歲之日也師
曰不汗而熱者發其汗大吐者微止不可餘治是以小兒須變蒸蛻齒者如花之易苗所謂不及三十二



齒者由變之不及齒當與變日相合也年壯而視齒方明。

薛按小兒變者變其情態蒸者蒸其血脈故三十二日一變每變畢則情態異常全嬰方論云變後者以長氣血也變者上氣蒸者發熱也輕則體熱虛驚耳冷微汗唇生白泡三日可愈重者寒熱脈亂腹疼啼叫不能乳食食即吐哕五日方愈古方以黑散子紫丸子主之竊謂此症小兒所不免者雖有藥可也况前藥乃屬疏厲非惟臟腑不能勝抑且反傷氣血慎之慎之余嘗見一小兒至二變發熱有痰投以抱龍丸一粒卒至不救觀此可驗矣若不熱不驚略無症候而暗變者蓋受胎氣壯實故也

五臟相勝症治

肝臟病秋見肝強勝肺而肺怯也宜阿膠散以補肺益黃散以補脾瀉青丸以治肝

薛按潔古張先生云肝勝肺則身熱發搐喘促氣短病見於申酉戌時此受所制而不能勝謂之真搐若心乘肝為實邪壯熱而搐有力利驚涼驚二丸主之肺乘肝為賊邪呵欠而搐無力以地黃丸補肝以瀉白散治肺肝乘脾為賊邪多睡體重發搐瀉青丸主之腎乘肝為虛邪憎寒呵欠而搐羗活膏主之大凡肝之得病必先察其肺腎然腎者肝之母金者木之賊非腎水不能相生必肺金鬼邪來剋故其源在肺先治其肺攻其鬼也其源在腎先補其腎滋其本也然後察其本臟之虛實而寒溫之徐用誠滑伯仁先生亦云然

心臟病冬見心強勝腎甚則下竅不語當以地黃丸補腎以導赤散治心

薛按潔古云若喘而壯熱此肺乘心也為微邪用瀉白散若風熱相搏此肝乘心也為虛邪用大羌活湯下大青丸吐瀉身熱此脾乘心也為實邪用瀉黃散若惡佈畏寒腎乘心也為賊邪用安神丸大凡心臟得病必先調其肝腎腎為心之鬼也肝氣通則心氣和肝氣衰則心氣乏此心病先求其肝清其源也五臟既病必傳其所勝則腎之受邪必傳於心故先治其腎逐其邪也若肝腎平和而心自病然後察其虛實而治之

肺病春見肺勝肝也以瀉白散治肺若目淡青或目赤者當發搐為肝怯也以地黃丸補肝
薛按潔古云肺病喘嗽氣盛見於寅卯辰時當補肝瀉肺若肺病久嗽宜補脾清心若心乘肺為實邪
熱而喘嗽用地黃丸導赤散阿膠散若肝乘肺為微邪惡風眩冒昏憤用羌活散若腎乘肺為實邪
寒咳嗽清利用百部丸若脾乘肺為虛邪體重吐痰泄瀉咳嗽用人參白朮散大丸肺之得而愈者
心脾二臟治之若心火亢盛上炎灼肺而肺為病宜先抑心氣若肺氣不足腹理不密風邪所感宜先
補脾氣若中焦痞實大腸壅滯熱氣上蒸宜先理脾氣若心脾平和則治其本經
腎病夏見水勝火腎乘心也甚則悸動發搐宜風散主之

薛按潔古云心乘腎者為微邪發熱不惡風寒用桂枝丸肺乘腎者為虛邪喘嗽皮膚寒溼用百部丸
肝乘肺者為實邪拘急發搐身寒用理中丸脾乘腎者為賊邪體重泄瀉惡寒用理中丸大抵五行之
間惟腎一臟母盛而子反受邪然物之性有不可以一槩論者肺腎是也何則肺主氣肺有熱則熱得
氣而上蒸不能下生於腎而腎受邪矣此腎之病源於肺也又有脾經之濕相刑於腎者法當解肺熱
去脾濕若本經自病者宜滋補之

脾病見四傍皆仿此治之順者易治逆者難治脾怯當面目見黃五臟相乘隨症治之

薛按潔古云凡脾之得疾必先察其肝心二臟之虛寔而治之蓋肝者脾之賊心者脾之母也肝氣盛
則賊邪勝心氣虧則脾氣虛故肝乘脾則風瀉而嘔茯苓半夏湯主之若心氣寔而壯熱體重泄瀉羌
活苗芩蒼朮甘草湯主之若脾乘脾而咳嗽便秘飲食如常者檳榔大黃湯煎下葶藶丸若腎乘脾而
惡寒泄瀉理中丸之類主之竊謂五臟之症相乘伏匿隱顯莫測然病機不離五行生剋制化之理况
小兒未有七情多因形體怯弱血氣未全故有五臟勝乘之病更當調治其母若專治其子多致誤矣

急驚風症治

小兒急驚因聞大聲或驚而發搐搐止如故此熱生於心身熱面赤引飲口中氣熱二便黃赤其則發搐

益熱盛生風陽盛而陰虛也宜以利驚丸除其痰熱不可用巴豆之藥

薛按秘藏保嬰集云急驚之候牙關緊急壯熱涎湧實視反張搐搦顫動口中氣熱頰赤唇紅脈浮洪數者此肝經血虛火動生風益風生則陰血愈散陰火愈熾火動則肺金愈虧肝木愈盛宜滋肝血養脾氣若屢服祛風化痰瀉火辛散之劑便宜認作脾虛血損急補脾土若風火相搏發熱抽搐目睛筋攣痰盛者用四物鈞藤鈎以生肝血清肝火用四君子加當歸以補脾土生肺金若肝經血燥發熱驚搐目睛筋攣痰盛者用六味丸以滋腎水四君子以補脾土若肺金尅肝木用六君子湯以實脾土加芍藥木香以平肺金若屢服驚藥而脾胃虛寒者須用六君子湯以補脾胃丁香木香以培元氣否則必變慢驚

愚治一小兒因驚發熱抽搐頓悶咬牙作渴飲冷大便秘結面色青赤然印堂左顴赤甚此心肝二經風熱相搏乃形病俱實之証先用瀉青丸料加炒黃連煎服一劑大便秘利熱搐頓減用抑青丸一服諸症悉退但面色痿黃形氣倦怠飲食少思此病氣去而形氣虛也用補中益氣湯及地黃丸而安一小兒發熱抽搐口禁痰湧此急驚風也先用瀉青丸一服六味丸二服諸症頓退又用小柴胡湯加芍歸山桅鈞藤鈎而安繼以補中益氣湯而愈

一小兒六歲忽然發搐目動咬牙或睡中驚搐痰涎湧盛或用化痰祛風面色青黃此肝木尅制脾土不能攝涎而上湧也當滋腎水生肝血則風自息而痰自消用六味丸而愈

一女子十二歲善怒睡中驚搐遍身作痒飲食少思此肝火風熱脾土受侮用參朮柴苓湯以清肝火涼肝血健脾胃而愈

一小兒三歲患急驚面赤發熱作渴飲冷先君已用瀉青丸一服熱去大半翌早又自用前丸一服即吐瀉發搐面色赤白手足指冷余以為脾胃受傷用六君子湯加羌桂升麻柴胡一劑頓安前哲謂小兒易為虛實攻伐之藥中病即止不可過劑我先君蓋守此法

一小兒三歲因驚抽搐發熱痰盛久用抱龍丸等藥面色或赤或青此肝心二經血虛風熱用六味丸滋養肝腎佐以六君加柴胡升麻調補脾胃而愈

嘉興王舉人女七歲因跌傷腿膝兩腫腫潰左腮色青左關脈無余意驚則氣散而風熱變為慢驚加升麻柴胡防風釣藤生血補肝而愈

慢驚風症治

小兒慢驚因病後或吐瀉或藥餌傷損脾胃而肢體逆冷口鼻氣微手足瘳瘳昏睡露睛此脾虛生風陽之症也溫白丸主之

薛按保嬰集云急驚屢發用直瀉則脾損陰消而變為慢驚者當補脾養血佐以安心清肺制木之藥最為切當竊謂前症多因脾胃虧損肝木所勝但用五味異功散加當歸佐以釣藤飲子以補脾平肝木亦多得效如不應用六君加炮姜木香溫補脾土更不應急加附子以回陽若用逐風驅痰之藥反促其危也每見小兒脾胃弱者一病即成慢驚不可泥為久病誤藥而後成也內經云為慢脾風言脾虛受病也其意可見矣

王氏子患吐瀉或用藥下之睡而露睛瘳瘳身冷慢驚也即用括萸湯治之而目開身溫但二便不利或用八正散身復冷不食即用益黃散使君子丸溫補脾胃諸症悉愈後又不語用地黃丸以補腎而愈愚治一小兒停食吐瀉先用尅滯之劑更加咬牙發搐面色青白手足指冷眉唇抽動余以為脾胃虛弱因藥復傷肝木所乘而成慢驚矣遂用六君子加木香柴胡升麻二劑頓安大凡傷食停滯雖見發搐等症且勿用藥待宿食化盡胃氣漸健而自愈設若強與飲食或誤用藥餌不惟甚其所有而且生其所無矣

舉人余時正子傷食發丹服發表之劑手足抽搐服抱龍丸口腮痰盛余謂脾胃虧損而變慢驚矣用六君加附子一劑而安再劑而愈

一小兒患抽搐痰涎自流或用驚風之藥益甚視其面色黃白余用六君子補中益氣二湯而愈

小兒初生壯熱吐衄身體強直手足抽掣目反直視是胎驚風症也

薛按前症多因娠婦忿怒驚恐調攝乖常或挾外邪內傷於胎蓋母有所觸胎必感之當用驚風散

兒口中或用惺惺散加漏蘆令母煎服使藥通乳中兒病自愈矣

發搐症治

驚癇發搐男則目左視無聲右視有聲女則右視無聲左視有聲相勝故也故有發時之

薛按前症多因胎中受患或乳母鬱怒傳兒或小兒乳傷自病其症吐乳面青若痰實壅積則

紅當兼調治其母切不可損其元氣若欲驗逆順男則握拳拇指又入食指中為順於外為逆女則

入食指為逆於外為順仍參吃乳不能賴以治其母後仿此

陳附馬子五歲目直視而不欲食或以為鬼祟用符水噴之反加發搐此肝經實火之症也用

愚治少參王陽湖孫跌傷股骨正體科接之余視其面青而兼黃口角微掣動此肝木侮脾症也且氣

血精骨皆資脾土而生但壯脾氣則所傷自愈遂用六君子加釣藤鈎當歸服十餘劑諸症悉愈

李寺丞子三歲病搐發而目右視大叫哭師曰逆也凡男目右視有聲金木相戰故也當瀉其強而補其

弱遂用瀉肺湯肺病退又用地黃丸補腎用涼驚丸瀉青丸瀉心肝而愈此症男反女故男易治於女也

假令女發搐目左視肺之勝肝又病在秋即肺旺肝不能任故哭叫當大瀉其肺然後治心續肺所以言

男目右視者木反侮金肝旺勝肺當瀉其肝若更病在春夏金氣極盛又當補其腎慎勿瀉也

愚治一小兒兩目連劄手足發搐頻服天麻防風丸之類益甚得飲食則稍愈視其鼻準及左頰色青黃

此肝木制脾土用六君子加升麻柴胡釣藤鈎二劑而愈又用補中益氣湯而安

若寅卯辰時身體壯熱目上視手足動掣口出熱涎頸項勁強此肝旺也當補腎治肝用地黃丸

薛按前症若煩熱作渴飲冷便結者宜用瀉青丸若發熱飲溫大便不結者宜用柴芍參苓散若自汗

若寅卯辰時身體壯熱目上視手足動掣口出熱涎頸項勁強此肝旺也當補腎治肝用地黃丸

薛按前症若煩熱作渴飲冷便結者宜用瀉青丸若發熱飲溫大便不結者宜用柴芍參苓散若自汗

盜汗咽虛液不歸源也用地黃丸若服峻劑或久病流涎脾虛涎不歸源也用六君子湯所云肝旺春乃肝虛而邪氣旺也故先補其母後瀉其子一小兒寅卯時發熱或兼搐有痰服抱龍瀉青二丸愈後復患仍用前藥以致咳嗽氣喘不時發搐面黃赤色或青黃或浮腫或流涎余謂咳嗽氣喘脾虛也不時發搐木乘土也面青赤黃肝入心脾也浮腫流涎脾氣虛也用益智丸以補心氣中黃湯以養脾肺而愈

若已午未時發搐心神驚悸竄視睛赤牙關緊急口中流涎手足動搖此心旺也以地黃丸補脾土以涼驚丸治心

薛按前症屬邪氣實而真氣虛故用地黃丸其流涎不止為心火虛而脾土弱也佐以六君子湯廣親七太尉病潮熱師曰七使將安八使預防明午驚搐既而果然遂用藥瀉心肝補腎水而愈蓋其坐石枕目直視而腮赤乃心肝俱熱午時者心肝用事也

愚治一小兒已午時發熱驚悸等症發時形氣倦怠面黃懶食流涎飲湯余以為心氣不足所致不信反服涼心藥更加吐瀉睡而露睛幾至慢脾風先用六君子加姜桂佐以地黃丸而愈

一小兒七歲因驚久患搐熱後午未時益甚形氣倦怠熱定飲湯余謂心脾氣虛朝用補中益氣湯加益智仁夕用六君子加當歸鈞藤鈞而尋愈後因飲食過多吐瀉或用保和丸治之加寒熱於搐此脾土復傷而肝木所侮余用六君子柴胡治之寒熱止而飲食進但已午未時去後用補中益氣湯加茯苓半夏鈞藤鈞而愈

若申酉戌時微搐而喘目微斜身似熱睡而露睛手足逆冷大便淡黃肺旺也當用益黃散以補脾導赤散以治心瀉青丸以治肝

薛按前症屬脾土真寒不能生肺氣而假熱故宜益黃散以補肺金之母如用六君炮姜尤效驗若手足不冷屬虛弱用五味異功散木香具導赤散瀉青丸初病元氣未虛者酌量用之若人病元氣已虛者

必用六君子湯秘吉安神六味地黃二丸主之

徐氏子三歲肝肺發搐身微熱目微斜露睛作喘四肢逆冷大便微黃師曰此肝實發搐也肺熱金旺也身溫肺虛也目斜露睛肝木相勝也四肢逆冷脾氣虛寒也若脾肺虛而木乘土之症當先用益黃散而後膠散以補脾肺後用瀉青丸導赤散涼驚丸以治心肝如法而愈

一小兒潮熱自申酉時熱至子丑時方止遍身似疥大便秘結小便赤澀熱渴飲冷此脾胃實熱而傳肺大腸也先用清涼飲四劑結熱始通又用四物加柴胡黃連數劑其瘡漸愈彼欲速效另用槐角丸之類諸症益甚遂請施院長治之亦同余藥惟加桃仁赤芍二味至百劑而愈

一小兒先停滯飲食服剋伐之藥致面色痰黃體倦少食申酉時潮熱余欲用調補之藥不信更用清熱消導益加泄瀉余用六君子數劑又用補中益氣湯而愈

一小兒酉戌時熱面赤腹中作痛按之益甚服峻厲之劑下五七次發搐吐痰作渴腹痛按之却不痛此脾胃復傷而變症也用七味白朮散補中益氣湯頓安

一小兒飲食停滯服消導丸藥余曰此因脾胃虛而食停滯也當調補為善已而申酉戌時潮熱食少作渴大便不實用四君子湯而飲食進又用補中益氣湯而諸症愈

若亥子丑時微搐身體發熱目睛斜喉中有痰大便白色多睡不省當用益黃散以補脾導赤散涼驚丸以治心薛按前症屬形病虛寒宜用六君子加泡姜溫補脾土用清心安神丸六味丸調補心血潔古張先生

云此症皆因大病後脾胃虧損所致其旨明矣若非六君子湯以固本必變慢脾風也

朱監簿子五歲夜半發熱曉則如故用涼藥解之反多涎喜睡大便青白作渴引飲師曰此當健脾胃則諸症退遂用白朮散一兩水煎送飲二劑稍愈三劑渴止涎消又投阿膠散二服而安

愚治一小兒亥子丑時發熱泄瀉用益黃散而愈後復發服前藥嗜卧露睛作渴少食大便頻黃余謂肝勝脾虛元氣下陷用補中益氣湯佐以地黃丸而尋愈

若傷風發搐口中氣熱呵欠頓悶手足動搖當以大青膏發散之

薛按潔古先生云傷風發搐當辨有汗無汗用大青膏小續命湯竊謂前症若口中氣熱搐而有力屬形病俱實宜用大青膏以散風邪若口氣不熱搐而無力屬形病俱虛宜用異功散以補脾土六味以滋肝木釣藤飲以清肝火若因風邪鬱熱而變見諸症當理肺經清風邪若外邪既解而諸症果愈當實脾土補肺金若徑治其肺恐脾氣復傷諸症蜂起矣

一小兒傷風鼻塞流涕服藥過重發搐呵欠頓悶汗出氣喘久不愈其母因勞役發熱全用補中益氣湯時以五七滴與兒飲之母子並愈

一小兒傷風發搐痰盛喘急余謂此脾肺氣虛腠理不密而外邪所乘用六君加柴胡升麻桑皮杏仁一劑痰喘悉退又一劑去桑杏加釣藤鈞而安乃用異功散數劑後不復發此症若不補脾胃實脾理專治痰邪鮮有不誤

若傷食後發搐身溫多睡或吐不思食者宜先定搐搐止用白餅子下之後用安神丸主之

薛按前症若飲食停滯嘔吐不食腹脹便秘者屬實熱宜用白餅子下之若下後搐熱益甚吐嘔不食者屬虛熱用異功散補之若脾胃既傷肝木所勝用六君加釣藤鈞以健脾氣平肝木大凡飲食而不愈但調補脾肺則諸邪自退矣

一小兒七歲發熱驚悸服祛風化痰藥更惡寒吐痰喘嗽腹痛少食又服抱龍丸大便似痢寒熱往來殊類風症先兄以為脾氣本傷藥復損之請經無所資養而然也用四君子湯少用升麻柴胡

以升補陽氣而愈

一小兒傷食發熱抽搐嘔吐氣喘痰嗽屬脾肺氣虛以六君子加炒黑黃連山梔各二分一劑而頓安

一小兒三歲停食吐瀉或用起滯之劑更咬牙發搐面色青白鼻準青而黑手足指冷眉唇抽動此痺胃虛弱而肝木乘之用六君子加木香柴胡升麻二劑而頓安

百日内發搐真者不過兩三次必死假者頻發不死真者內生驚癇假者外傷風冷血氣未實不能勝任

故發搐口中氣熱用大青膏塗顙浴體二法

薛按前症多因胎中受惠或乳母鬱怒傳兒或兒脾傷自病當固元氣為主而兼調治其母仍食乳不能類治之後仿此

李司戶孫百日發搐日三五次或作胎驚治之不應即用大青膏豆豉并塗顙浴體二法三日而愈蓋嬰兒血氣未實不能勝外邪而發搐故用浴體法凡搐頻者風在表易治宜發散搐稀者風在臟難治宜

愚治一小兒百日內患抽搐痰涎自流用驚風藥益甚視其面色黃白仍用六君子補中益氣湯而愈

一小兒面色青黑或痿黃審其母素有鬱怒所致用加味逍遙散加味歸脾湯治其母其子亦愈

一小兒月內發搐鼻塞余以為風邪所傷以六君子加桔梗細辛子母俱服更以葱頭七葉煎藥一匙細搐攤帛上兩掌護溫貼子顙間半晌鼻利搐止

一小兒未兩月發搐嘔乳腹膨作瀉余以為乳多傷脾胃用五味異功散加瀉蘆母服之子服數滴而尋愈

癩痢症治

凡治五癍皆隨臟治之每臟各有一獸之形並用五色丸治小病也發而重者死病甚者亦死若反折上

竅其聲如犬症屬肝也若目瞪吐舌其聲如羊症屬心也若目直腹痛其聲如牛症屬脾也若驚跳反折

手縱其聲如鷄症屬肺也若肢體如尸口吐涎沫其聲如猪症屬腎也

薛按妊娠若過驚恐則必內應於胎故一月足厥陰脈養驚則肝受病二月足少陽脈養驚則胆受病

三月手少陰脈養驚則心受病四月名為離經五月足太陰脈養驚則脾受病六月足陽明脈養驚則

胃受病七月手太陰脈養驚則肺受病八月手陽明脈養驚則大腸受病九月足少陰脈養驚則腎受

病是臟腑納氣於丹田自肝至腎十精滋養而生此則胎中所致也若既生之後或驚怪所觸或乳失節或乳母飲食起居六淫七情臟氣不平亦致是證須察見症屬於何經更別陰陽虛實以調補脾胃為主否則不時舉發甚至不救